

A. D.
A PHÓRISMI
INSTITUTIONEM
JUVENTUTIS IN SCHOLIS
SPECTANTES,

QUOS

Conf. Ampl. Facult. Philos. In Acad. Aboënsi

Publico Examini subjiciunt

AUCTOR

JACOBUS ARNDT
C A R P.,
PHIL. MAG.

ET

RESPONDENS

THOMAS ELENIUS,
Ostrobothnienes.

In AUDITORIO MAJORI Die V. Nov.
MDCCLXXIV.

T. A. M. S.

ABOÆ,

Typis JOHANNIS CHRISTOPHORI FRENCKELL.



APHOR. I.

Nullum est dubium, quin felicitas civitatis ex virtute civium sit aestimanda. Cives autem virtutibus instructi ornatique non sunt sperandi, nisi a teneris, ut dicitur, ungivculis praceptis earum imbuantur, atque iisdem exercendis fiant adsyoti; ea namque est natura hominis, ut qualis in infantia evaserit, talis etiam per reliquum vitae spatium plerumque maneat. Annis pueritiae, quamdiu labes illa peccati, qua omnes sumus infecti, in vitia prorumpendi facultatem non habuerit, facilius coeretur, ne vim in nos exserat tantam, ac si natura ad ea proclivis exercitio eorum inveteraverit; tum enim vix, ac saltē majori cum difficultate, ad viam virtutis ingrediendam manuducimur. Ut arbor, adhuc tenera & frutex existens, facile flexitur & varia eidem inducitur forma, ita quoque homo, si eidem jam ab infantia pracepta atque motiva virtutis traduntur, ad ea observanda facillime movetur. Neglecta autem cura & institutione ejus hac ætate, eum bonum hominem, ne dicatur, civem evasurum vix ultra svadet experientia. Bonam igitur juventutis in Republica institutionem, inficias iturum putamus neminem.

Cum

Cum vero plurimi dentur parentes, qui vel minus apti vel munerum curis impediti liberos suos ita instituere nequeunt, ut & in vita agenda virtutis præcepta observent & tanta ornentur cognitione scientiarum, quanta necessaria sit iis ad felicem transigendam vitam, necesse sum est, ut ejusmodi vigeant instituta, quæ huic incommodo medeantur.

APHOR. II.

Nemo contendat Scholas inferiores ideo eretas esse, ut nostra in iis juventus cognitione tantum lingvarum & scientiarum quarundam abstractarum imbuatur. Omnesque nobis largiantur, pueros in his literarum officinis ita manuducendos esse, ut & quoad intellectum, promptitudinem veritatem indagandi virtutemque cognoscendi acquirant & quoad voluntatem ad amorem veritatis cognitamque virtutem exercendam moveantur, vel ut plura paucis complectamur, boni esse cives in Scholis jam incipient. Præceptor itaque, qui circa institutionem juventutis hæc non observat, nullum rei neque publicæ neque privatæ adfert commodum, sed maximum simul & sèpissime irreparabile damnum accelerat. Hincque patet, quam necesse sit ut Scholis præficiantur Doctores, qui discipulos ita manuducere norunt, ut & in studiis faciant progressus & bene atque honeste viveant & discant. Huc quoque accedit, quod hi Doctores Scholarum indolem puerorum expiscari debent, quoqueant suadere, quodnam vita genus illis sit optimum & respectu facultatum eorum in primis eligendum. Et cum exercitatio utramque fere hac in re faciat paginam, ita munera ad Scholas obeunda non nisi illis, qui in instituendis pueris sese exercuerunt, & oblectationem quandam ex hoc percipiunt labore, concedantur. Ideo-

que existimamus, eos, qui in Ecclesia munera gerunt, ut Doctores Scholis non præficiendos esse, nisi speciminiibus se idoneos probarint. Præsertim alii forsan aptiores ob merita, quæ illis ut ministris Ecclesiæ tribuuntur a Scholis non sunt excludendi. Animo præter ea erunt non vehementi atque moroso, nam præterquam quod sua austeritate omnem discendi legendique cupiditatem discipulis auferant, periculum est, ne animum Præceptorum quoque induant pueri; sed miti atque mansveto ætati atque indoli dissentium sese accommodante, *gutta namque cavat lapidem non vi sed sæpe cadendo, & puer instruitur non vi sed sæpe legendo.* Ad vitia tamen discipulorum minime conniveant, & moribus honestis atque decentibus condecorati, regulas, quas in quotidiana conversatione observent, illis sciant præscribere.

APHOR. III.

Licet pueri, quamdiu judicium eorum non sit bene excultum, ex lectione historiæ omnem capere nequeant fructum, facilissime tamen facta, quæ narrata exhibit hac ætate memoriae mandantur, adeoque tanto maiorem usum ex hac scientia in proiectiori ætate percipiimus, quo ampliori ejus cognitione in juventute sumus imbuti. Historia Præceptoris optatam etiam offert occasionem acuendi judicium discipulorum, modo ad observanda conjectaria, quæ quancunque memoratam rem comitantur eos adsuetudinat, movendi animum illorum ad virtutem exercendam, vitium vero fugiendum, si præmia, quæ virtutibus excellentes reportarunt, & poenas quas vitiis dediti luerunt, adattentioni discipulorum proponit, excitandi amorem erga patriam vehementissimum exemplis herorum, qui civitati suæ se totos devoverunt. Ex his igitur colligimus lectionem historiæ e Scholis haud

haud esse proscribendam, & ut Geographia inter admiranda illius numeratur, neque ejus lectio ibi est negligenda. Historia varia memorat bella, depingit pugnas, variorum itinerum adjicit mentionem, ut haec relata ritore percipiamus, necesse est ut terrae regionesque, in quibus acciderunt, nobis non sint ignota. Majorem simul jucunditatem conciliat nobis haec scientia, meliusque memoriae infigitur, si in Mappis Geographicis mox ostenditur, ubinam terrarum contigerunt, in quibus tradendis occupatur. Inter juvenes Scholares reperiuntur quoque qui mercaturae se addicere conantur, illis ut utilissima ita necessaria est cognitio Geographica.

APHOR. IV.

Cognitionem lingvarum bonam requirere memoriam eamque in juventute esse optimam testatur experientia, initium igitur eas discendi fiat in Scholis, & ut dantur plurimae utilissimae ceteris preferantur. Quamdiu maxima pars juvenum Scholas frequentantium studiis pergere conetur, lingua latina non est negligenda, dum ea ceu vernacula utuntur eruditii, linguis, praeter ea, quibusdam hodiernis facilius descendis inservit. Methodus tamen eam addiscendi, melior illa, qua Scholis plerisque est communis, foret adhibenda. Lingvas vero Hebraeam atque Graciam quod attinet, quoniam usus fere necessariæ sint iis, qui studio Theologico se consecrant, & non omnes has eligant partes, ita nec omnes ad eas legendas teneantur. Eiusmodi itaque ad Scholas vigere deberent instituta, ut discipulis, ad quorum utilitatem haec linguae non tendant, modernas quasdam sibi cognitas reddendi esset occasio. Nec adeo absurdam judicamus sententiam eorum, qui contendunt, lingvas modo nominatas locum suum in Scholis immemorato

rito tueri, sed vicem earum sustenturas fore recentes Germanicam & Gallicam, quarum cognitione sine damno carere nequeunt, qui ad munera in Ecclesia gerenda apti evadere cupiunt, quæque pluribus utilitati essent quam Græca atque Hebræa, ad Academias ab iis descendæ, quibus usui esse possunt. Quamdiu mos ille Græcam non in Svecanam sed Latinam transferendi lingvam aquid nos servetur, existimamus & nos lectionem ejus in Scholis intermittendam esse, ne herculeum fuscipere laborem discipuli cogantur. Si autem novum Testamentum Græcum, quod vulgo legitur, Svetice reddere liceat & Præceptor explicationem ejus brevem & captui discipulorum accommodatam non intermittat, cum usu hæc lingua, Sacerdotibus non unice commendanda, ad Scholas discitur. Circa lingvas hoc de cætero observandum est, extraneas hodiernas vel mortuas non ita tractandas esse, ut discipulis defit exercitatio tam in sermone quam scriptis, lingua nostra vernacula pura & ornata utendi. Tandem ad ista pervenimus tempora, ut tritum istud proverbium: *Lynx foris, talpa domi* circa hanc rem nemini nostrum decori vertatur.

APHOR. V.

Inter scientias, quæ in Scholis plerisque apud nos desiderantur, Historiam referimus Naturalem. Quam utile autem foret patriæ carissimæ, si juventuti Scholaristica in hac disciplina progressus faciendi esset opportunitas, quisquis absque profunda meditatione reperire potest. Dum vero studio huic non aliud superfit tempus, quam quo pueri ab aliis vacant lectionibus, probe observet Præceptor, qui operam suam in ea tradenda collocat, eos in primis hac in re, ita manuducendos esse, ut lubentes & quasi ludendo non vero coacti erudiantur,

ne

ne ad rationem plurimarum lectionum reddendam obstricti, hanc alias jucundissimam utilissimamque scientiam tantum aversari incipient, ut ad eam addiscendam, quum melior datur occasio, animum numquam advertere queant.

APHOR. VI.

Cum omnes saltem seniores fateantur, cognitionem *α* tam nostri quam officiorum, quæ præstanda nobis incumbunt esse necessariam tuti videmur contendere, juventuti Scholasticae, communissimas saltem veritates ex Psychologia & brevem Doctrinam moralem proponendas esse. Plures juvenum Scholarium, annum ætatis suæ vigesimum & ultra interdum experientia teste pertingunt, antequam tantos in studiis fecerint progressus, ut ad Academias cum fructu visendas dimitti queant. Qnod autem tamdiu careant omni harum utilium scientiarum cognitione, cum bona juventutis institutione congruens non est censendum. Nec statuat aliquis Logicæ & Geometriæ locum in Scholis esse denegandum, quatenus illa breviter & distincte tradat regulas, quas in veritate investiganda observat intellectus noster. Hæc vero acuit judicium puerorum & ob multiplicem usum in vita communi sece commendat.

APHOR. VII.

Tanta cognitione Theologiae tam naturalis, quam revelatae in Scholis imbuantur discipuli, ut non tantum ipsi de veritatibus Religionis nostræ sanctissimis sint persuasi, sed & præcipua, quæ ad eandem impugnandam objiciuntur tela, retundere queant. Necessitatem hujus rei testatur experientia, quæ docet, plurimos, qui munera in Ecclesia ambire non conantur, postquam Scho-

lis

Iis valedixerunt, nullum tempus huic studio impendere. Si itaque in Scholis sufficienti cognitione Theologica instructi non fuerint, eam nec postea attingunt, in disserimen igitur æternæ suæ felicitatis tanto facilius possunt incidere, quanto saepius illis contingat, ut conversationem cum hominibus famam ingenii eversione Religionis quærentibus, instituant.

APHOR. VIII.

Inter impedimenta Oeconomiaæ ruralis ad fastigium apud nos evehendæ, quæ varia a variis numerantur, non ultimo loco referendum est, quod plerique ruricolæ nulla vel saltem exigua admodum ornati sunt cognitione eorum, quæ illis scitu sunt necessaria. Optimum ad hoc impedimentum removendum arbitramur institutum, si nova ad Scholas adornaretur Classis, in qua discipuli cognitionem Praticulturæ Agriculturæ Horticulturæ, Architecturæ & Historiæ Naturalis tantam, quanta iis necessaria censeatur, haurire possent. Inque hanc classem promoverentur discipuli ex classe Apologistica, non tamen ideo alii ex illa excludantur, modo cognitione æquent eos, qui in hac erudiuntur. Et ne publicum ejusmodi Præceptorem salario frustra sustentaret, prohibitum foret ruricolis opulentioribus, villas suas liberis antea permittere habitandas, quam documentum, aliquis saltem cognitionis nominatarum scientiarum præstare valerent.

